

SEASKA BATEN ONDOAN

NERE ANAICHO B. ECHEGARAY-KOARI DONKITUA.

Seaska baten ondoan nago
 Aingerucho bat ikusten;
 Amatigoa,¹ beregandea,
 Da bere loan azaltzen;
 Dirudi Jaunak Zeru-goitikan
 Duela gugan biraltzen;
 Dirudi gure neke samiñak
 Kentzeko dala jayotzen.

¡Zér mirariya! Lo dago, baña
 Zabalik dauzka begiyak;
 Erdidikirik errugabeko
 Ezpañ bakunti² gorriyak;
 Larrosa gozo bi dirudite
 Bere matzalla garbiyak;
 Ez du zimurrik chikarrena-re
 Bere kopeta churiyak.

Ez da neretzat aurchoa baño
 Gozoagoko gauzarik,
 Ez da lorerik, ez altisterik,³
 Bera dan beziñ ederrik;
 Bere lurrinak⁴ gogaltzen gaitu,
 Utzitzen gaitu zurturik;
 Lore piñenean likurtak⁵ ez du
 Lagatzen, ala pozturik.

.....
 Aingeru batek gordetzen zaitu,
 Zabaldurikan egoak;
 Aingeru batek aldendurikan
 Zugandik etsai gaiztoak;
 Ala eguzkiyak, azaldatzean,
 Urruntzen ditu lañoak
 Ala, gugana ditu biraltzen
 Errañu bizi suzkoak.

1883-ko Epaillean.

Ametsak, ere gozoak dira
 ¡Bai! zugan, aurcho maitea;
 Gauza danetan agertzen dezu
 Maitagarrizko pakea;
 Zuretzat ez da mundu au oraiñ
 Ibar aubenez betea;
 ¡Zér zoriona dagon, egiaz,
 Aurtasunean gordea!

Oraindik, baña, bizi bazera
 Samiñko zaizu zoriya;
 Orduan dezu ezagutuko
 Zér dan gizonen biziya;
 Orduan dezu esango, dala
 Negar-malkozko ibaiya;
 Zorigaitzaren arriyarekin
 Egiñik dagon uriya.

Erbesteturik arkitzen zera,
 Erbesteturik munduan;
 Zergatik zure dierriya dan
 Arkitzen toki goituan;
 Zergatik beste aingeruchoak
 ¡Maitea! dauden Zeruan;
 Zergatik dauden, Guzialduna
 Doaindutzeko kantuan.

Agur, aurchoa; patu gaiztoak
 Laga zaitzala pakean,
 Igaro dedin zure bizitza
 Gozotasunen artean,
 Igaro dedin zerukoya dan
 Birtutearen bidean,
 Biziyagatik kezka larriyak
 Besterik ez dan lurrean.

ECHEGARAY-KO KARMELO-K.

(1) Amatigoa=Sosiego.—(2) Bakuntia=Cándido.—(3) Altistea=Perla.—
 (4) Lurrina=Perfume.—(5) Likurta=Aroma.

